

金海許氏族譜序

記曰上治祖禰尊尊也下治子孫親親也旁治昆弟合族也族譜之作實本於此歟蓋祖之禰爲曾祖祖之祖爲高祖孫之子爲曾孫孫之孫爲玄孫禰之兄弟之子爲堂從祖之兄弟之孫爲再從曾祖兄弟之曾孫爲三從自此而係屬愈遠親愛愈疎然推其本則同出於一也惡可以一祖之孫視若路人乎此又譜之不能無繼世而述之也惟我侍中公先祖當麗忠烈忠肅之時以三朝老成之德久居鼎席之位毅然有補袞衛社之忠而種祉作福以裕後昆終麗之世世襲封君允爲東方巨族至若縣監公吾派之中祖也六傳而有尚武洛庵兩公之殉國卓節七傳而有愚齋公之淵源正學斯固不朽於百世而爲一家三賢也降自季葉無有能繼承者然猶以儒素持門戶雖當桑

海貿遷夷狄制夏之世知其畔君父事讐賊之爲甚耻也嗚呼
先祖之風韻愈邈而後承之生齒益蕃則懼夫貽謨之難紹前
烈之遂沉烏得不思所以管攝團合之道以成一部宗案俾知
孝於親友於兄弟睦於宗族顯揚祖先之爲人道大綱也迺於
己亥冬始發修譜之議詢同于僉宗設役於桐山亭未閱歲而
工垂訖間序於余余以貌爾不肖何敢當是寄屢辭而不獲命
則乃爲之說曰我譜自英廟辛巳以來又有癸酉丁巳己酉
丙辰之役而已酉則爲縣監公一派之譜也今亦因己酉舊
例爲譜而間有一二增刪者僭妄則極矣蓋吾許之譜當以受姓之
金首露王也王賜二子以后姓爲許則吾許之譜當以受姓之
王子爲始祖故附書駕洛國記以明得姓之來歷原委又書累
世文獻於卷首以爲後來子孫之徵信島夷據國三十六年間

生卒年號書以 隆熙后某年者明大義也乙酉光復後年號
書以 檀紀某年者尊國紀也今我譜之規模條理鑿鑿有據
井井不紊而如此其嚴正者實遵先祖尊攘春秋之義也凡爲
先祖之後承者志先祖之所志學先祖之所學達而在上則可
以澤國而利民窮而處下則可以淑身而範俗如或不幸遇板
蕩之世而或就得舍魚取熊之義則不待譜而天下誦之萬世
傳之豈不有光于祖先矣乎此區區之所深望云

歲庚子五月上 漢縣監公十七代孫魯學謹序

舊譜序

圓顱方趾盈天地而不匱者無非人也熙熙焉穰穰焉未辨其所由來未辨其所由去而已矣其或炳靈特異奕鶴繩繼成宗而成族一世二世而十百世者大抵皆神聖之胄也自古神聖之作實非適然雖不無鉅少偏咸久忽之殊而其德仁之積累功利之溥博所以及人者如彼而天之所以報施者如此蕃衍昌熾卒莫之與京則詩書所稱烏可誣乎譬如芝醴之有本源而源遠則流洪本固則條達也惟駕洛王天縱首出達業垂統亦惟普州太后焜德匹休旁贊陰化誕撫一方殆五百年矣山川賴以奠焉民物賴以殖焉至若金榼石塔之異猶之乎玄鳥之生商武敏之啓周也用能子孫保之式至于今日中表苗裔徧于東土而得母姓者爲許許亦分籍三四而仍舊黃金海者

爲其宗金海者駕洛也厥有三派代有聞人由羅及麗洎乎
本朝忠孝之相禮寵祿之相襲鴻朗磊落據譜可知也譜始於
英廟辛巳再之以癸酉三之以丁巳然癸丁之譜派焉而不能大同諸許爲是之歟蒐羅邇遐淹費歲日而乃今譜成焉奮
然初議者監察炯進士萬燮也左右底績者進士撥參奉杰也
嗚呼可謂勤矣今譜視舊譜不翅倍之散焉者聚焉則倍之今
距舊又幾十年之久則子益有子孫益有孫保合之微悠久之
徵卽此可卜矣工垂竣承宣萬彌謁余弁卷之文余謂人之爲
譜也非欲昭穆之辨而已非欲爵謚生終墳墓之識而已蓋欲
念之修之式穀似之先人之思後人之助而已不識譜中之人
其在今世與將在來世者有能大耄饗鑠忘身衛國如侍中公
者乎有能見幾而作如透軒公者乎直道三黜如湖隱公者乎

冒刃報本衛道尊賢如竹庵公者乎有能道義成性處事剛果
一世名賢仰之如山斗如三松南溪兩公者乎蹈赴湯火奮義
勤王如尚武洛庵兩公者乎或進修林樊或馳騁韜鈴或樹勲
鐵卷或妥靈忠祠不愧爲靜退梧白仙清華陽諸先生之師友
者比比也有能濟美趾休又不愧爲其子孫者乎總之不愧爲
祖王妣后神聖之胄乎是在其人矣是在其人矣譜未必無少
補云

歲丙辰春正月旣望崇祿大夫吏曹判書原任奎章閣
直提學海平尹用求撰

許雅士溧權二君余有舊而契也以其族長老之命袖其譜牒
請余爲文余顧布素謙劣無以徵於後是以屢辭辭不獲語二
君曰譜所以傳於世而徵於後其法甚厚故程張二夫子皆明

譜修宗以爲朝廷自尊大有所益凡爲修譜者孰不爲之敬信
斯訓以謀其宗黨也哉今金海氏之役是譜雖不能廣收普合
渾一大宗然亦足爲踵武前規徵案後世則一也且余觀人家
所謂派譜則不過乎一家小小簡便之規而編中多名人達士
則雖小可以敵大矣今案金海氏之派譜則麗代而有若侍中
公之碩德 本朝而有若尚武公之殉忠義洛庵公之死王事
卓卓炳炳非他族之可比安可以派小爲恨哉况復丁巳譜後
不遑是役者爲五十餘年于茲矣其間家世之生齒既繁嫁娶
相仍至若喪葬封塋之所在養率承繼之所重派別相傳而伯
仲之次序榮道宦遊而官秩之陞遷不能不及今修整使載牒
諸宗一體知有一部宗案以爲金海氏之家法鐵卷者豈不爲
之厚於族乎是以汲汲於刊役而譜有縱橫二例橫原蘇氏縱

原歐陽氏我東名家大族蓋從其縱者多矣今者許氏之譜姑從蘇氏例而爲橫然從茲以後後昆熾昌更不可不從歐陽氏例而爲便也以是賀金海氏繼又爲之歐陽譜序語語之曰傳於其家者以忠事君以孝事親以廉爲吏以學爲身此四者爲人之所先誠者也亦安可獨不從歐陽氏乎以此爲成譜之義貽厥後承永作金海氏之世守也不亦宜乎願君持此說歸告于諸長老定其可否焉

歲己酉仲春平陽朴昇東謹序

譜序昭穆別宗支辨親疎而已有族者皆有譜然源遠則無徵派大則莫詳故草創之難如肇基垂統在後之述按舊增新而已宜易爲力然惟孝友睦婣敏幹任事而濟以文學乃能有就故紹述之難如繼體守成觀乎譜牒之益修而其世之永其族

之巨其子孫之賢可知已許氏貢金海者以首露王爲鼻祖追羅歷麗八本朝餘千年簪組雲仍之盛有不勝書而訟流溯源載之於文則今上丁已有譜純祖癸酉有譜英祖辛巳又有譜辛巳以上無譜非無譜也經難而逸也以許氏之遠而大未百年而有三譜何其勤也豈非所謂孝友睦婣敏幹任事而濟以文學者乎金海之許吾高祖妣之自出也故昔辛未修譜族曾祖大司諫公實爲之序今許君敘永又以其續成也問序於余感念親懿摩挲先稿其何敢辭然許君所以惓惓於弁卷之文者要述其苦心幹事易今詔後之意幾其爲可繼也嗟呼新譜成而不惇親叙倫以篤仁愛則此卷中人之過也後屬遠而不傍搜博考以圖繼述則此卷中人之子孫之責也木久不榮其實必碩田久不艱其穫必倍許氏自近世來寢微不

振而胥殫誠力三竣茲役不食之報積善之慶可執契於後何患乎譜之不修也若夫金榼石塔之禎祥三松南溪之德懿具載前序茲不復贅云爾歲疆圉大荒落大壯之上滌外裔通訓大夫弘文館校理知製教兼經筵侍讀官春秋館記注官完山李應寅謹序

我外氏許氏貫金海金海古駕洛國在昔首露王賜二子從母姓爲許氏蓋謂金海之許也夫木之根柢固而後枝葉茂水之源泉盛而後派流長人之積德豐而後餘慶遠此理之所必也夫三韓之大姓巨族何止數十百家而迄至今不絕者可若爾數若許氏奕世懿躅顯于羅顯于麗自駕洛君以來厥有侍中公之貞忠大節炳烺千古粵在我朝華臘蟬聯至于三松堂南溪公克世厥聲不揚前休繭黻其文章冠弁於士流父子

著名於己卯己巳之世而宗支蕃昌簪組綿衍凡前後千餘年
于茲倘所謂根固而枝茂源盛而流長德豐而慶遠者非耶信
乎金榼呈祥石塔昭禎不可以窅邈而謂不足徵也今有内序
許君曠謂余曰吾許氏譜成於辛巳吾先子嘗跋於左距今五
十有一年年代寢遠子系寢昌後生之名派不載於前譜幾何
而駸駸然塗人相視將無同於辛巳譜未成之前乎宗人有許
鑾甫慨然而憂之一如辛巳許添甫之爲於是遍告諸族收聚
辛巳以後各家子姓之名籍以續前識而成後譜譜垂成印方
始而未有以叙其事予吾家之宅相也盍爲之識之噫余之少
也侍渭陽親見前譜之役歷歷如隔晨居然爲前世事今又見
後譜之續成盥讀遺蹟摩挲徃躅如承警誨撫念今古不覺三
復而兩淚也余於少若老及見外氏之前後譜乃今竊名於中

幸矣烏敢以不文辭爲蓋聞蘇明允之言曰一人之身分而至於塗人吾譜之所以作也苟欲惇親也合族也譜固不可不作然而譜作以世遠譜後之子若孫相居夐遠不能吊慶既不知某入某甫之爲某派某親則又何以惇其親而合其族乎由是論之譜亦不可以不續成也若昔許途甫之苦心幹事於是譜固使人油然生孝悌之心今許鑒甫吾未之見而就事論心亦可想篤於孝悌之義豈不可尚也哉繼此以往一二世或二三世而續譜作繼繼不已則許之族雖百世而千支百派瞭然於一開卷可以惇孝悌之風可以無塗人之視亦無孤於前人苦心幹事之事竊以此深有望於後之人云爾歲重光協洽月陽復外裔通政大夫前司諫院大司諫完山李羽晉謹序

駕洛之許旣成譜有袖譜踵門而言者曰是我許氏世譜也自

夫宗法廢而譜牒作凡厥序昭穆別宗支而正親疎之倫者非
譜因稽而迺若吾譜所書非獨於此也抑有不敢不摭實於前
志傳信於來許者存焉越初生民金檻著祥則書之迨天作配
石塔昭禎則書之式遵父命載傳母姓而寔肇我許氏累百千
支之根本則書之及其得姓世仍蕃昌疊冕重軒磊落而相望
則其徽猷懿躅孰非可書而若侍中公迺以大耋之年挺身赴
難毅然有殉國衛社之忠則遂乃採家傳而書之暨三松南溪
傳德襲訓以世厥聲貞操苦節直可以凌雪霜而炳日星則茲
又據國乘而書之矧惟許氏之生久矣以子以孫愈遠愈疎苟
不書諸一牒昭示永久則聳功之屬幾何其不爲塗人也吾爲
此懼遂集諸家譜錄叅考其故實區別其派繼或沿波溯源而
載之必謹或因柯振葉而記之必詳凡此皆吾譜之所以作而

書之譜者其亦庶乎無餘蘊矣第恨無當世立言者之爲一言
以弁卷俾來者有以考信吾所書故敢以爲請余乃謹受而卒
業旣以歎曰嗚乎子之譜其盛矣乎然事固有存而不論者如
金榼石塔遐哉邈乎不可得而云也直以其著於譜者推之斯
足以執左契爾夫水之無源者其涸不踰時矣其德不足以垂
後嗣其澤不足以及來裔而傳克永世非余攸聞今子之世歷
羅^酒麓以迄于今蓋累百年而肇蹟繩武系如貢珠非積累之
淡而能如是綿慶也哉若乃五服之屬誰不知其本乎一身而
人情遠則疎疎則忘究且將奈越視而莫之顧也今子之族遠
而采篤疎而猶戚乃謂敦宗叙倫非譜固可相與採摭諸錄裒
成完帙其昭穆之序支派之分親疎之等一開卷便瞭然如指
掌使凡廁名其間者咸知一本之理而無忘百代之親則蘇氏

所謂孝悌之心固已有不待譜而油然者矣噫譜之道盡於是而已雖有立言者更何言之可贅哉顧余素非立言者而請之勤而義不可辭也則姑取其相與答問者爲之序以歸之云爾崇禎紀元後三辛巳上元日通政大夫司諫院大司諫兼知製

敘李存中謹序

金海許君默與其同姓在嶺南者謀出若干財釐正其族譜將印行于世許君與余有舊錄其世系族派來京師請余以爲文余屢辭辭不獲謹按其譜首載首露王事古蹟微茫不可考徵而世傳王出於金檍故自命其姓曰金以阿踰施國王女爲配曰許后生十子命其二子從母姓遂爲金海許氏至後世有河陽之許有陽川之許與籍金海者分而爲三派河陽陽川皆有譜獨金海之譜中經兵燹佚而不傳嗚呼古之宗法廢而譜作

譜作而昭穆於是乎著矣祖先之事蹟行誼官爵始卒非譜不可稽宗族之遠而不見面者疎而知名者非譜不可詳嗚呼譜安可無也許君之所以眷眷於斯譜者可謂不忘本者也嗚呼吾之一身祖先之所以遺也吾之宗族亦祖先之遺也其本本乎一父母生人知愛父母則可以思其祖先不可以忘焉則豈忍以祖先之遺忽其祖先之遺而不念乎哉且夫譜者取其普也無論尊卑貴賤苟爲吾宗族不厭其多且博焉故有譜則疎可親而遠可通無譜則疎者益疎遠者益遠而遂以至於棄絕矣可不懼哉禮曰上治祖廟以尊尊下治子孫以親親斯義也余於許君乎見之矣許君勉乎哉

辛巳正月下澣安東金復坤書

金海許氏族譜卷之一

一世二世三世四世五世甲編

許琰

高麗三重大臣駕洛君駕洛國首露王賜子后姓之後裔據公之世當為鹿朝中葉而文獻遠而不傳無以考詳○子君彥

君彥

兵部侍郎○子資

資

兵部尚書○子松竹子延子澄

松竹

兵部侍郎

延

行忠冊司錄追封密直司事一云密直副○子仁全子小丘久孝子天器久孝子有全

仁全

駕洛君

有全

初諱安門下侍中元宗末登第忠烈王時爲監察御史抗直見憚王信嬖

偉之讒而囚公巡馬指諭高宗秀白王以社稷臣而得免遷國子司隸銓

曹侍郎累遷都僉議參理知密直司事封駕洛君忠肅王之爲江陵君也

爲翊善師傅及王卽位元年甲寅賜端誠守節功臣號加守都僉議贊成

事致仕復拜政丞復封駕洛君癸亥與號興君閔瀆興寧君金贍如元請

還上王時年八十一夫人亦老病歿止之答曰人皆有死一死難免豈以

妻病身老忘吾君而自逸乎遂永訣而去人皆歎之一云謚忠穆公詳見

遺事墓江華佛谷一云塔谷而未詳享固城道淵祠○子榮子華子敵見

六世 七世 八世 九世 十世

下同板

見上
同板

六世

七世

八世

九世

十世

乙編

澄

侍賓齋上卿

榮

有全
撫郎

華

有全
資贍司事

尚

駕洛君墓京畿道水原郡上林丑坐一云江華塔谷○以上墓所與夫人姓氏無以考詳○子天年
尚子龜年○女金用勻勻本從金避御諱省偏傍金副丞

天年

駕洛君

龜年

監察御史封翫城君○配貞夫人固城李氏○墓京畿道龍仁郡水餘面林院里沐浴洞
鳳頭山東岡庚坐上下封○子衡子行子咸

衡

禮曹議郎

行

府使

成

縣監○子鉉

鉉

大司成○子詒